

GO BILETŠA

JESU LEFELONGTIRAGALO

Re bala Lentšu la Morena. Ka go Ebangedi ya Mateo, te—te tema ya 8, go thoma ka temana ya 23, re bala se:

Gomme ge a tsena ka sekepeng, barutiwa ba gagwe ba mo latela.

...bonang, go tsogile ledimo le legolo ka lewatleng, gagolo go fihla sekepe se apešwa ka maphoto: eupša o be a robetše.

Gomme barutiwa ba gagwe ba tla go yena, le go mo phafoša, ba re, Morena, re phološe: re a senyega.

Gomme o rile go bona, Gobaneng le tšhogile, O lena ba tumelo ye nnyane? Ka gona o tsogile, gomme a kgalemela diphefo le lewatle; gomme go bile le go homola go gogolo.

Eupša monna o maketše, a re, Ke mohuta mang wa motho yo, yoo ebile le diphefo le mawatle di mo obamelago!

- 2 A re inamišeng dihlogo tša rena bjale bakeng sa thapelo.
- 3 Tate wa rena wa Magodimong, re thabile kudu bošegong bjo go tseba gore yo Motee yo mogolo Yo a dirago diphefo le lewatle go obamela Yena o ne rena. Re a leboga gore re na le bohlatse bjo bogolo bjo bja go phela ga Gagwe le bjale lehono, le go tseba gore O ka Gosafelego, gomme A ka se tsoge a hwa. O a phela go ya go ile, gomme o bontšitše pele kgaogelo ye kgolo ya Gagwe go rena, bana ba motho mo matšatsing a. Re batho ba go hloka, Morena, re hloka kudu gore ga go yo mongwe gape a ka kgotsofatšago ditlhoko tša rena eupša Wena. Kafao re lebeletše go Wena bošegong bjo go tla ka kgobokanong ya rena fa, le go itira Wenamong go tsebjia go rena, ka go lebalela dibe tša rena, go oketsa tumelo ya rena, Morena, le go fodiša malwetsi a rena le ditlaišego. Gomme ge re eya magaeng a rena, bošegong bjo, a nke re thabe, re bolela boka bale go tšwa Emause, “A dipelo tša rena ga se di swe ka teng ga rena ge A be a bolela le rena tseleng?” Ka gore re e kgopela Leineng la Gagwe. Amene.

Le ka dula.

- 4 Ke nyakile go ba boka Sakeo; dilo tše ka mehla ke a di hlælelwa. Ke nyaka go bolela le lena feela dinakwana di se kae bjale pele re rapelela balwetsi. Go le lebogeng bakeng sa tirišano ye kaone, le go dumeleng ka Moya, bošegong bja go feta, ge re

be re bolela, go tshepa gore e tla ba tšhologelontle ye kgolo ya ditšhegofatšo tša Gagwe.

⁵ Ka mehla elelwang se re lego mo bakeng sa sona, ke go leka go oketša tumelo ya lena ka Bogoneng bja Gagwe, gore le ke le amogele seo le se kgopelago. Gona, ka tumelo, le a dumela.

⁶ Bjale, elelwang, tšhegofatšo ya topollo e ka ba efe e šetše e rekilwe. Tefo e lefilwe, go ne tsela e tee feela yeo o ka tsogego wa kgona go e amogela, ke go e dumela le go e amogela. "Yena ke Moprista yo Mogolo wa boipolelo bja rena." Behebere e bolela fao, lengwalo la Bahebere, le re, "Ke Moprista yo Mogolo wa boipobolo bja rena." Go ipobola, le go ipolela, ke selo sa go swana, ka mnete. Kafao re... Yena ke Moprista yo Mogolo wa boipolelo bja rena, kagona A ka se kgone go re direla e ka ba eng go fihlela pele re ipolela gore O e dirile. Gomme ka gona ge re ipolela yona, gona ke Yena Moprista yo Mogolo, mmoelanyi, go ya go šoma godimo ga yeo le go e lokiša. Kafao re a rapela, go tshepela ka go Modimo bošegong bjo, ka bothong le kgaogelo ya Gagwe, gore O tla re fa bottlalo bja mogau wa Gagwe, bošegong bjo. Gomme bjale, elelwang, le swanetše go e amogela.

⁷ Bjale re ya go rapelela balwetši pele re tloga, go bea diatla godimo ga bona, eupša ke duma gore le ka ba le tumelo go lekanelga la swanelga go ba le seo. Ke duma ge le ka kgona go no obeletša godimo le go re, "Morena Jesu, ke a Go dumela. Ke... O dumela Lentšu.

⁸ Bjale, le a bona, Modimo o fapana go tloga go rena re le. Ge—ge re ka bolela se sengwe go lena go se dira, gomme ga se le se dumele, gabotse, re tla re, "Ba tlogele ba nnoši. Ga se ba swanelga go se dumela." Eupša yoo ga se Modimo Tate wa rena. Kgafetšakgafetša O tla dira se sengwe gape go le dira le dumele. O leka go boloka Lentšu la Gagwe, gomme O tla boloka Lentšu la Gagwe.

⁹ Bjale lebaka le A dirago dilo tše A di dirago bjale, ke ka baka la gore O tshepišitše go di dira. E sego gore O swanetše go e dira; eupša O tshepišitše go e dira, gomme yeo ke boitshepo bja rena gore ka mehla O boloka tshepišo ya Gagwe.

¹⁰ Bjale yo mongwe le yo mongwe wa lena, ge le na le ba go babja, baratwa, le go ya pele, dulang, ge ba sa kgone... go swana le mosetsana yo monnyane mo, ke yo moswa kudu, gomme o ka seemong seo a lego go sona; feela ge o dumela, bea diatla tša gago godimo ga ngwana ge tirelo e sa kgatlampana. Ba bangwe, bao ba nago le baratwa, ka pelong ya lena le nagana ka bona; ka tumelo go ba kukela thwi godimo pele ga Modimo, ka thapelo. Bjale, gomme, kagona, gona dumelang. Ge se sengwe se direga, lena...

¹¹ O ka se kgone go itira wenamong go dumela. Wena, ke se sengwe, ke boleng bjoo bo lego ka go wena. "Tumelo ke kgonthé," e sego feela kakanyo ya maitirelo. "Ke kgonthé ya dilo tše di holofetšwego, bohlatse bja dilo tše o di dumelago, gomme ga o

di bone.” Gomme tšohle, ditlhamo ka moka tša Bokriste bjale, eelewang, ke ka tumelo. Tšohle kagodimogathago, lerato, thabo, khutšo, pelofalo, bobotse, boleta, kgotlelelo, tšeо tšohle ke dilo tša go se bonwe. Yeo ke tlhamo ka moka ya Bokriste. Mokriste ka mehla o lebelela go dilo tše a sa di bonego, gobane o lebeletše tshepišo.

¹² Fa nako ye nngwe ya go feta, mengwaga ye mentši, ke be ke bileditšwe go lefelotiragalo, nako ye nngwe, ka sepetlele, go rapelela mošemane yo a bego a ehwa, ka botlaatlaa bjo boso. Ke tsopotše se makga a mantši, ka gobane ke taba ya go ikgetha kudu go nna. Tate o be a le mohlomongwe monna yo mogolo, le mme. Gomme lesogana le le be ka ba mengwaga ye lesomenne bokgale, ke a thanka, gomme o be a le ngwana wa bona a nnoši. Gomme o be a ehwa, ka botlaatlaa bjo boso, gomme se sengwe se diregile go pelo ya gagwe. O be a idibetše. Gomme ba be ba no... O nno, oo, feela—feela go phela gannyane; Ke lebetše gore morethethopelo wa gagwe—wa gagwe e be e le eng; mohemo o be o le fase kudu.

¹³ Gomme tate wa kgale o ile pele a etela kopano, le go kgopela, go boneng molaodi, le yo mongwe le yo mongwe. “Etla, o rapele! Etla, o rapele! Ke phetho, e no tla sepetlele gomme o rapele.”

Molaodi o rile, “Mo tliše kopanong.”

¹⁴ O rile “Re ka se kgone go mo šuthiša go tloga sepetlele. O a hwa.” Gomme o rile, “Ge Ngwanešu Branham a ka no tla, a kgopela Modimo, Modimo o tla e fa.”

Ke naganne, “A tumelo!”

¹⁵ Ke ile sepetlele, gomme dingaka ga se tša ntumelela go tsena. Ba rile, “Aowa, o monna yo a nyetšego, o na le bana.” Billy Paul o be a le yo monnyane nako yeo. O rile, “O ka se kgone go ya ka gare,” o rile, “gobane o ne ngwana.”

¹⁶ Gomme ke rile, “Bjale, ke kwešišitše gore ngaka yenamong o be a le Mokatoliki.” Ke rile, “Ge moprista a nyakile go fa ditshwanelo tša mafelelo go ngwana, ge eba a le Mokatoliki, o tla mo dumelela go ya ka gare?”

¹⁷ O rile, “Yeo e a fapana. Moprista ga a ne bana.” Le a bona? O rile, “O tla rwalela twatši go ngwana wa gago.”

¹⁸ Gomme ke rile, “Eupša, lebelela, mohlomphegi. A nke ke tšeе boikarabelo. Ke tla saena pampiri. Ke tla tšeа boikarabelo. Ge ke se na le tumelo go lekanelo go ya ka kua gona bakeng sa seo, ga ke na le taba go ya ka gare, lefelo la pele.” Ke rile nako yeo, “Eupša ke tla tšeа boikarabelo.” Gomme ke rile, “Nagana ka yona bjale, ge mošemane yola a be a le Mokatoliki, gomme o be a ehwa; gomme a o ka, ka mokgwa e ka ba ofe, ka ganetša moprista go mo fa ditirelo tša mafelelo tša kereke?”

O rile, “Aowa, nka se dire seo.”

¹⁹ Ke rile, “Ke ra feela bontši go bona bjalo ka ge moprista a dira go Mokatoliki.”

²⁰ Gomme o rile, “Go lokile,” gomme mafelelong o dumetše. O nkapešitše boka Ku Klux Klan, sa mohuta tsoko, mohuta ohle wo wa selo godimo ga ka, gomme—gomme o nkišitše ka fale go mošemane yo monnyane yo, a hwago.

²¹ Mme le tate ba khunama ka lehlakoreng le lengwe. Gomme ke rapetše feela thapelo ye nnyane ye bonolo, “Morena Jesu, ke tshepa Wena go tsošetša mošemane yo godimo, ka tu-... motheo wa tumelo ya tate le mme yo,” gomme ke beile diatla tša ka godimo ga moisa yo monnyane. O be a idibetše lebaka la a mararo, e ka ba matšatši a mararo, ke a dumela, gomme a no se heme. Gomme ke emeletše, ka re, “Amene.” Ke rapetše e ka ba nakwana, gomme ka emeleta.

²² Gomme tate wa kgale o tšere mme ka matsogong a gagwe, gomme o rile, “Nagana ka yona, hani, mošemane wa rena o fodile!” Ga go leswao la yona le gatee. Gomme ba be ba nno gokarelana seng sa bona, le go leboga Morena.

²³ Gomme mooki yo monnyane, ngwana yo monnyane, mohumagadi yo moswa, ke ra gore, go molaleng o be a ka ba lesomeseswai, masomepedi a mengwaga ka bokgale. O be a na le lepanta la gagwe la booki, gomme a... goba, e be e le mooki wa sealoga. Gomme o rile, “Mohlomphegi, ke a boifa ga o kwešiše.” O rile, “Mošemane o a hwa.”

O rile, “Oo, aowa. Mošemane o ya go phela.” Tate o dirile.

²⁴ Gomme o rile, “O ka kgona bjang go dira ka mokgwa wola, gomme wa gago... o a tseba mošemane wa gago o a hwa, ka tlase ga kgopoloye bjalo ya maaka bjalo ka ge le filwe?”

O rile, “Yeo ga se kgopoloye maaka.” O...

²⁵ O rile, “Lebelela.” Bjale nka no... Go ka no ba ngaka e dutše gabjale. Ga ke tsebe se ka tša kalafo, le didirišwa tša mareo a kalafo. Ba mo fa mohuta tsoko wa khadiograme, gomme pelo ya gagwe e be e le tlase kudu. E be e bile tlase botelele bjoo. Ngaka o rile... Mooki o boeleditše ngaka, o rile o... “Seo ga se nke sa tsebja ka go histori, ge pelo e ka tsoge ya ba fase bjalo, go yona go ke ya tsošološwa gape.”

²⁶ Nka se tsoge ka lebala go lebelela ga mokgalabje. Moisa wa go swana le tate wa kgale o sepeletše godimo gomme a bea seatla sa gagwe godimo ga legetla la mooki yo monnyane. O rile, “Kgaetšedi,” o rile, “o a bona, o lebeletše tšhate yela.” O rile, “Seo ke sohle o se tsebago, ke go lebelela go yela. Eupša,” o rile, “Ke lebeletše tshepišo ye Kgethwa.”

²⁷ Mošemane ke moromiwa ka Afrika bjale, o na le bana ba bararo. Le a bona? Le a bona? Go ya ka se o se lebeletšego, le a bona. O dumetše.

²⁸ Bjale, yeo ke tumelo ya go swana, “Ge O ka tla wa bea diatla tša Gago godimo ga ngwana wa ka. Ge O ka bolela lentšu, mohlanka wa ka . . .” Le a bona, seo ke se sengwe o nago naso. O—o . . .

²⁹ Gona e be e se—e be e se go bea godimo tiro. Moisa wa kgale o dumetše seo. O be a swere Sengwe.

³⁰ Mosadi yo a kgwathilego seaparo sa Gagwe. “Ge ke swanetše go no kgwatha kobo ya Gagwe!” Yeo ke yona. O swanetše go swara tumelo yela, tlase ka pelong ya gago. Go no swana le ge o re . . .

³¹ O a tseba, wena monna, ge o le—ge o le mohuta wa maleba wa monna, ga go mosadi lefaseng yo o mo ratago bjalo ka mosadimogatša wa gago. Go ka no ba basadi ba bangwe ba ka no ba babotse kudu. Go ka no ba basadi bao ba tla—ba tla bago ba—ba—ba basadi ba babotsana, le go ya pele. Eupša se sengwe, ge ka kgonthe o rata mosadimogatša wa gago, go na le se sengwe ka fale seo o sa se hlokomelego se a bogegago boka sona. O a mo rata. Gomme ga—ga o tsebe gobaneng, eupša o a mo rata. Gomme, basadi, lena go swana go monnamogatša wa gago. Wena, o a rata. Gomme lena basetsana ba baswa go masogana a lena; masogana go lekgarebe. Ge o kopane le motho yola yoo o tsebago o a mo rata, go ne se sengwe ka fale o a tseba o a ba rata.

³² Gabotse, seo ke selo sa go swana se lego ka tumelo. O a tseba e ya go direga. Ga go na moriti, ga go kgathale ke ba bakae ba ka bolelago kgahlanong; o sa dumela selo se se swanago, ka baka la gore yeo ke ya mmapale, ya nnete tumelo ya mmakgonthe. Bjale ebang le seo bosegong bjo, ge re sa bolela ka thuto ye.

³³ Ke boletše bontši kudu, gomme ke bile ka dikopanong botelele kudu bjale, ga se nke ka hwetša go khutša, le gatee, ge e sa le ka Krisemose. Gomme ke makgwakgwa gannyane ka mogolong wa ka, go tšwa go boso bja go fetoga, le nako, le go ya pele.

³⁴ Ke nyaka go bolela le lena bosegong bjo ka thuto ya, “phafošang Jesu,” goba: *Go Biletša Jesu Lefelongtiragalo*.

³⁵ Go tšwa go palo ya rena ya Lengwalo, re hwetša gore go bile le kopano ye kgolo. Jesu o be a eya go dikologa, a dira matete a magolo, ka mehla a dira tše botse, gomme gape a dira se se bego se kgahliliša Modimo. Ka mehla O kgahlile Modimo, eupša ga se A ikgahliliše Yenamong, Beibele e boletše. Gomme re hwetša gore O be a itirile Yenamong go tsebja ka tshwanelo, O be a le Mang, ka mediro ya Gagwe. Mediro ya Gagwe e tsebagaditše O be a le Mang.

³⁶ Gomme maatla a be a tlogile go Yena. O be a ruta dipapetšo, letšatši ka moka, gomme bokwala bo be bo tšwele go Yena. Gomme O bile . . . o be a eya go tshela lewatle, go putla, godimo ka lehlakoreng le lengwe. Ka go ba se A bego a le sona, O—O tsebile gore fao go be go le mošomo wo mogolo pele, ka

lehlakoreng le lengwe. Gomme O be a lapile kudu. Maatla a be a tšwele go Yena, letšatši lohle botelele, ge batho ba Mo kgwathile ka tumelo ya bona, go Mo dumela, le go ya pele. Gomme O bile . . .

³⁷ Maatla a be a Mo tlogetše, gomme O be a lapile. Ka fao O ile morago ka morago ga sekepe gomme a robala fase godimo ga mosamelo, Lengwalo le a re botša, go tšea go khutša go gonyane ge sekepe se be se kgabaganya lewatle, go kgabaganya Lewatle la Galelia, sebakabotse sa go khutša mo gonyane.

³⁸ Barutiwa ba Gagwe ba topile mahuduo, gomme ba hlomile diseila, gomme feelsa boka banna ba lewatle ba ka dira. Bona, seo ke se ba bona, bontši bja bona, mošomo wa bona. Ba be ba le banna ba go thea dihlapi kua lewatleng, gomme—gomme ba tsebile mokgwa wa go laola dikepe tše. Gomme ba be ba le morago go mošomo wa bona, ba no ba le nako ye kgolo ya go hlalala, nako ya megobo, mohlomongwe go bolela ka dilo tše di diregilego letšatši leo.

³⁹ Le a tseba, go na le se sengwe ka yona, gore ge re bona Morena wa rena Jesu a dira dilo, gomme re kgona go tseba gore ke Yena, gore ga go selo gape se ka kgonago go e dira eupša Yena, gabonolo re no . . . Ge re etla mmogo, re no . . . Yo mongwe le yo mongwe o nyaka go paka. Yo mongwe le yo mongwe o nyaka go bolela se sengwe, gomme ba nyaka go bolela ka sona. O ka kgona go ba le tsošeletšo kerekeng ya gago; modiša a ka kgona go bolela molaetša wo mobotsebotse, goba moebangedi, goba e ka ba mang a ka bago; goba o kgona go bona selo se sengwe se itšego se direga, goba se sengwe ka boagišaneng, yo mongwe o fodišitšwe. Baagišani ba tla mmogo le go bolela ka sona. “Go botse bjang! A o be o le fao? O be o swanetše go ba o e bone. E be e le selo sa maemo kudukudu.” Go na le se sengwe ka mediro ya Modimo seo se tsikinyago pelo ya motho kudu go feta e ka ba eng gape seo se diregago. Go na le . . . E no ba maitemogelo a go se lebalege ge re etla go kgwathana le Morena Jesu le go bona dilo tše A di dirago, tše kgolo kudu le bothakga ke ditsela tša Gagwe.

⁴⁰ Bjale re hwetša gore ba be ba hlalala godimo ga mediro yeo e dirilwego ka go tsošeletšo ya letšatši leo, gomme mohlomongwe ke tla re swantšha, bošegong bjo, ka mokgwa wa go swana.

⁴¹ Bjale re sa tšwa go hlatsela ye nngwe ya ditsošeletšo tše kgolokgolo, ke a dumela, tše lefase le kilego la di bona, ka go ye lesome ye ya mafelelo, mengwaga ye lesometlhano. E bile tso—tso tsošeletšo, e sego go no swana le matšatšing a Billy Sunday, goba matšatšing a tsošeletšo ya Wales, goba matšatšing a—a tsošeletšo ya Wesleyan, goba tsošeletšo ya Moody, goba tsošeletšo ya Billy Sunday. E bile taba ya go swiela lefase ka bophara, go dikologa lefase. Ditirelo tše kgolo tša phodišo le mello ye megolo ya tsošeletšo e swele go tšona ka kgonagalo thabeng ye nngwe le ye nngwe e lego gona lefaseng. Thwi bošegong bjo, tsela godimo

ka dinageng tša Afrika, tlase ka China le Japane, Ebangedi ye e a rerwa, gomme batho ba a fodišwa thwi wona motsotso wo, go dikologa le go dikologa lefase. E bile ye nngwe ya ditsošeletšo tše kglolkgolo, ka gore, ke a dumela, ke ye nngwe ya ditsošeletšo tša mafelelo lefase le le tla go e bona, tsošeletšo ya go swiela lefaseng.

⁴² Eupša bjale, ka go mengwaga e se mekae ya go feta, e homotše. Ga le hlokomele mafolofolo ka go batho, ba ba bego ba fela ba le.

⁴³ Ke elelwa go beng le monyetla, ka Moya wo Mokgethwa, go ya go thomiša tsošeletšo yela e thomilego, ge Morongwa yola wa Morena a bonagetše nokeng le go bolela seo, e ka ba mengwaga ye mentši ya go feta. Gomme go e bona e direga, le go bona e tukišitše dipelo tša badiredi, mogohle, ditsošeletšo di phulegile. Gobaneng, o be o ka no sepelela ka moagong gabonolo, gomme batho ba thoma go emeleta go tšwa mepetianeng le maakong a bona, le go sepela, ba fodile. Ebile ga se o swanele go bolela lentsu le tee. Feela—feela go beng fale, seo ke sohle se se tšerego.

⁴⁴ Ke elelwa bošego bjo bongwe ka Vandalia, Illinois. Ke sepeletše ka kopanong, gomme ga se ka ba ka kopanong lebaka la metsotso ye mehlano, gomme go be go se motho wa sekoka tikologong ya lefelo, e ka ba kae. Ditulo tša bagolofadi di kgoromeleditšwe ntle le go pakelanywa godimo. Difofu be di bona, gomme difoa le dimuma di bolela, gomme—gomme feela gabonolo go... Moya wa Morena o be o le gona, gomme O nno fodiša sehlopha ka moka sa bona. Bjale ke ge le ka kgona go dira se sengwe, ge tsošeletšo e kgatlampana. Eupša a nke mollo wola wa tsošeletšo o hwe, gona le ka se kgone... Batho ba sa le Bakriste, eupša ga ba tsošološetšwa ka go Moya wola, boemo bjo bogolo bjola bo dirago se sengwe.

⁴⁵ Go no ba boka notwane, ka lebenkeleng la morulatshipi. O swanetše go hwetša tshipi e fiša pele o eya go e rothotha mo serobeng. Ge o sa dire, o ka se tsoge wa e otlolla.

⁴⁶ Gomme seo ke se se go tšeago go ba le tsošeletšo, ke yo mongwe le yo mongwe ka tlase ga phišo ya Moya wo Mokgethwa woo o tlišitše fase maatla a Modimo gomme tsošeletšo e sepela. Gona go ne dikopano tša thapelo di kgatlampana, mosegare le bošego, motsotso wo mongwe le wo mongwe, mogohle. Gobaneng, batho ebile ba ka se tlogele mabala!

⁴⁷ Ke elelwa ka Jonesboro, Arkansas, ge la mathomo ke thoma ya ka... e ka ba kopano ya ka ya boraro. La pele ka St. Louis, gomme morago ka Corning, gomme morago tlase go ya Jonesboro. Pampiri e rile, “Batho ba dikete tše masomepedi seswai ka kopanong.” Lebaka la dimaele tše masomepedi goba masometharo go tšwa toropongkolo, e be e no ba ditente di beilwe godimo. O ka se kgone go hwetša ntlo ya polasa go dula ka gare, toropokgolo ye nnyane ya Jonesboro. Gomme batho ba etla

go tšwa dimaeleng, ba phathekgle lantere, ba sepela go kgabola dikgwa, ba swara pe—pe pe pese le go tla.

⁴⁸ Ke dutše ntle ka lešokeng mantšiboa a mangwe, ke rapela pele tirelo e thoma, gomme ke bone bahumagadi ba baswa ba etla ka dieta tša bona le melentse ka tlase ga letsogo la bona. Ka gona pele ba fihla tlase kua, ba ema gomme ba phumula lerole go tloga maotong a bona, gomme ba rwala melentse le—le—le dieta, le—le go ya ka kopanong.

⁴⁹ Gomme ke ba bone ba bea bana ba bona ba go babja ka tlase ga ditheraka tša katune tša kgale, le go dula fale mosegare le bošego; ba swara dipampiri le diseila godimo ga bona, mola e be e ena, ledimo le tšutla; e sego go tlogela lefelo la bona, ba letile feela go tsena ka gare ga moago.

⁵⁰ Moo ke mo sefofu se bego se bona, difoa di be di ekwa. Gomme bodiredi, bošegong bjo, ke dimaele tše lekgolo ka godimo ga seo, eupša mello ya tsošeletšo e roretše.

⁵¹ Bona batho ba sepelela godimo kua gomme ba re... E no šupa monwana wa gago, gomme o re, “Gabotse, a o a dumela, ngwanešu?” Seo ke ka moka, o be a le ntle gomme a sepela. Seo ke sohle se bego se swanetše go dirwa. Ba dumetše. Tsošeletšo e be e sepela.

⁵² Bjale, barutiwa ba ba bone seo, gomme ka sebopego sa bomagogorwane ba be ba phela thabo, ge Jesu a be a khutšitše, ka se ba se bonego se dirwa letšatšing leo.

⁵³ Gomme ke a nagana tsošeletšo e dira se sengwe boka seo, gore bjale re no phela ka go nako ya setu, ge A sa khutšitše mohlomongwe magareng ga dikopano, goba tsošeletšo le go Tla ga Gagwe. Gomme re hlalala godimo ga dilo tše re di bonego di dirwa nakong ya tsošeletšo ye, mediro ye megolo le ya go makatša. Ga go kgathale se lefase le se bolelago, re sa bona se dirwa! Ke setatamente, ke dintlha, se dirilwe.

⁵⁴ Ba swanetše go ba ba tšere monyetla, ge diseila di be di eya gabotse, go bolela ka Yena, ka ditiro tša Gagwe, ka ditleleimi tša Gagwe, ka ga Bomesia bja Gagwe. Ba bantsi ba bona ba ka be... ba barutiwa ba, ba ka no ba ba boletše se ba se bonego se dirwa, yo motee go yo mongwe.

⁵⁵ Go no swana le ge re dira, lebakeng la nako ya tsošeletšo ka Shreveport, lebakeng la nako ya tsošeletšo ka—ka toropong ye nngwe, re tla bolela ka yona.

⁵⁶ Bjale yeo ke tsela ye ba bego ba dira. Mohlomongwe e be e le Simone, bjalo ka ge re boletše ka yena bošego bja go feta, a re, “Gabotse, ge Andrea a mpoditše ka ga Yena, ke be ke no ba go gononwa gannyanne nthatana. Eupša ge A mpoditše ke be ke le mang le tate wa ka o be a le mang, sela se tlošitše go thankga gohle go tšwa go nna. Ke—ke e dumetše nako yeo.”

⁵⁷ Go ka no ba go bile gore Filipi a ka be a rile, ba bangwe ba yo mongwe; e ka no ba e bile Andrea o boletše. Re boletše ka mohumagadi mo sedibeng, bosegong bja go feta. Go ka no ba ba be ba bolela ka yena, ge ba boletše se sengwe boka se, “Baena, le a tseba, ge nako ya ka ya go se tlwaelege e bile, ge ke—re ile kgole go hwetša dijo tsoko. Gomme re tla morago gomme re be re eme ka ntle ga dithokgwa, le go Mmona a bolela le mosadi yo wa tumo ye mpe. Re naganne, ka dipelong tša rena, ‘Go ka reng ge ba bangwe ba baprista ba ka tla godimo le go bona se, Mong wa rena a bolela le mosadi wa mohuta wo, ba be ba tla reng ka Yena?’ Gomme ka gona re elelwa ka fao re tsebilego, gore go bile le boitshepo ka go Yena, gore e be e le bakeng sa morero tsoko wo A bego a bolela le yena.

⁵⁸ “Gomme ka gona ge A mmoditše, ‘Eya o tsee monnamogatša wa gago gomme le tle mo.’ Gomme o rile, ‘Ga ke ne monnamogatša.’ Ka fao dipelo tša rena di tabogilego, gobane re naganne go ne nako ye nngwe go ne go šitwa. Jesu o be a boditše mosadi yo a bego a na le yena, go ya go tsea ‘monnamogatša’ wa gagwe, ge a be a se ne monnamogatša. Le elelwa tebelelo yeo re bilego go sefahlego sa rena seng ge re maketše, go nagana gore kholofelo yohle re bilego le yona ka go Yena, gomme še e wešitšwe ka pela?

⁵⁹ “Ka gona re a hwetša, ka pela O boletše gomme o rile, ‘O boletše therešo, ka gore o bile le bannabagatša ba bahlano, gomme yo motee o nago yena bjale ga se wa gago.’

⁶⁰ “Ka gona ge a Mo lemogile nako yeo bjalo ka Mesia, Mesia wa Modimo, gomme o boletše fale, gore, ‘Re a tseba gore Mesia o etla. O swanetše go ba Moporfeta, ka gore re a tseba, ge Mesia a etla, O ya go dira se.’ Gomme bopaki ka go toropokgolo yela, bopaki bja mosadi yola bo bile le seabe godimo ga batho ba toropokgolo.”

⁶¹ Ka gona e ka no ba e bile Johane yo moswa yo a rilego, “Le a tseba, ke tla le botša se se e dirilego kgonthe go nna, letšatši lela ge A ngwathile borotho. Bjale, bohole re be re swerwe ke tlala, gomme O ile ntle ka lešokeng, gomme ga se ra kgona go Mo hwetša, gomme fao re kopane le Yena. Gomme mašaba ohle a tlie go dikologa, gomme, selo sa pele le a tseba, re Mo hwetša a re, ‘Ba romeleng kgole toropongkgolo, go hwetša dijo tše dingwe.’ Gomme—gomme O re boditše gore re ‘ba fepe’ nako yeo. Gomme O hweditše dipisikiti tše tlhano tšela le hlapi tše nnyane tše pedi, gomme A ngwatha borotho bjola. Gomme ke lemogile seatla sa Gagwe ge A tla obeletša morago bakeng sa seripa se sengwe sa borotho, piskiti yela e be e hlogetše ntle gape. Gomme ka gona ge A fihla morago, a e bea ntle ka porotong, ka gona a fihla morago, hlapi yela e be e hlogile gape. E sego feela hlapi ya mehleng, eupša e be e le hlapi ye e apeilwego, le a bona, e šetše e hlogetše morago gape.

⁶² “Ke mohuta mang wa athomo A e bofollotšego, baena, hlapi ya go apewa, borotho bja go apewa, go feta go gola? Gomme re tsebile O be a le Mohlodi, eupša šo O dira tlholo ya hlapi ye e bego e šetše e apeilwe le borotho bja go apewa.”

⁶³ Johane a ka no ba a boletše se sengwe boka se. O rile, “Le a tseba, ge ke be ke sa le mošemane yo monnyane, re dutše fase ka Jeriko. Ke elelwa mme wa ka wa Mojuda o be a fela a nkobakobetša go robala morago ga sekgalela; ke tsea kgoswane ya ka ya morago ga sekgalela. Ke be ke fela ke lebelela godimo ka mahlong a gagwe, gomme o be a mpotša dikanegelo tša Beibele.”

⁶⁴ Gomme, le a tseba, seo ke selo se sebotse go mme e ka ba mang go dira ngwana wa gagwe. “Godiša ngwana ka tsela ye a swanetšego go ya.” Go tla ba kaone go phala go bulela thelebišene le go šetša tše dingwe tša dilo tše tše di kgatlapanganago mo thelebišeneng. Le tla ba kaone ge le mmalela kanego ya Beibele, gobane go aga monagano wa gagwe wo monnyane.

⁶⁵ Bjale o rile, “O be a fela... O be a fela a mpotša ka ga ka—ka kanegelo ya mosadi wa Mosunami a amogela mošemane wa gagwe yo monnyane morago bophelong, ka moprofeta Eliya. Ke ratile yela. Nako yeo o be a fela a mpotša ka batho ba rena ba etla godimo go tšwa Egepeta. Gomme re be re le thwi mo Nokeng ya Jorodane. Gomme o be a tla šupa go kgabaganya noka, le go re, ‘Johane, ba kampile feela ka lehlakoreng le lengwe. Gomme ba be ba le mengwaga ye masomenne ka lešokeng lela, gomme Modimo o ba fepile ka mana. Diaparo tša bona ga se tša ke tša tsoge tša onala. Gomme Modimo o ba file borotho, bonanana, mosong wo mongwe le wo mongwe.’

⁶⁶ “Gomme ka fao ye nnyane ya ka, pelo ya bjana, ke be ke fela ke re, ‘Mama, a Modimo o na le bontši bja diobene tše kgolo godimo kua mafaufaung, gomme O paka borotho bjo bjhohle, le go dira Barongwa ba Gagwe komana go tliša borotho bja mosong le go bo bea ntle godimo ga...?’

⁶⁷ “‘Aowa,’ o tla re. ‘Johane, o yo monnyane kudu go kwešiša. O a bona, Modimo ga a na diobene lefaufaung. Ga a hloke diobene. Re swanetše go ba le diobene. Eupša Modimo ga a e hloke, gobane ke Yena Mohlodi. O a bona, O no bolela, gomme borotho bo letše ntle go... Yena ke Mohlodi.’

⁶⁸ “Gomme, baena, ge ke eme kua lehono le go Mmogela a tšeа seripa sela sa borotho le go kgetylola seo, gomme ge A fihla morago bakeng sa seripa se sengwe, se hlotšwe, ke tsebile re be re sa latele—latela moprofeta wa maaka. Yola e be e le Mohlodi, ka Boyena, ka go Motho.” Gomme...

⁶⁹ Nako yeo ba ka no be ba ahlahlile mokgwatebelelo wa batho; ba bangwe ba dumetše, ba bangwe ga se ba ke; gomme morago mokgwatebelelo wa Gagwe go batho.

⁷⁰ Bjale, le a tseba, Bokriste bo fetogile kudu bjalo, mo matšatšing a a mafelelo. Bjale o swanetše go pepetletša motho, go ba tshepiša bontši ka moka, go ba fa bontši ka moka, go ba dira ba dumele, go tla kerekeng, le go ba tshepiša gore ba tla ba le badirišani ba bakaonekaone le se sengwe le se sengwe. Seo ga se Bokriste.

⁷¹ Bokriste ga bo fepeletše. Bokriste bo makgwakgwa. Nnete. Ke—ke se—se... Bokriste ga se semela sa go neneketšwa.

⁷² Semela sa go neneketšwa ke semela sa motswako, kudukudu. O swanetše go se fothela nako yohle, wa tloša dikhunkhwane go sona. Ke ka baka la bofokodi bja sona. Gomme yeo ke tsela le swanetšego go dira bontši bja Bakriste, mohuta wa go ba fothela ka bo—bo boati bja ditshepišo.

⁷³ Wena, ga o e hloke. Semela sa kgontha sa mmapale sa go phelega ga se hloke sepeiti se se itšego. Dikhunkhwane di tloga go sona.

⁷⁴ Go no swana le, lehono, monna yola a leka go tšea dilo le go di aroša. Modimo, mathomong, O rile, “A peu ye nngwe le ye nngwe e hlagiše pele mohuta wa yona.”

⁷⁵ Ke be ke bala ka go *Reader's Digest* fa, moo ba—ba tšea se re se bitšago lehea la motswako, gomme le dira tsebe ye botse, nnete, tsebe ye kgolo ye kaone; eupša ga ya loka, ga go selo go lona. Gomme ba dira tamati ye kaone, ebile ga e latswege boka tamati, gomme ba dira, go hwetša kgogo bjale ye ebile e se nago diphego. Go tswaka! Le a bona?

⁷⁶ Gomme bjale, elelwang, o ka no ba le lehea la motswako, eupša o ka se kgone go bjala peu yela morago. E ka se tšweletše gape. E tla hwa. Gobaneng? Ga e na bophelo ka go yona. O swanetše go e tswaka nako le nako. Ge e ka se ke, e no tšwelapele e ata. Seo se bontšha gore ebolušene, go ya ka dikgopoloo tša motho, e fošagetše.

⁷⁷ O ka tšea pe—pe pere ya tshadi le tonki ya pholo, gomme wa di tswadiša mmogo gomme wa hwetša mmoula, eupša mmoula o ka se itswale morago wonamong gape. O fedile. Ke phetho. O fedile.

⁷⁸ Gomme ba re bjale, gore ka go mengwaga ye mengwe ye masomepedi, ge ba sa thibele batho ba go ja dilo tše ba di tswakago, gore, “E fetola le—le lebopo la basadi. Ba ka se kgone go ba le masea, mo mengwageng ye masomepedi go tloga bjale. O bolaya moloko.” Ga o na le dilo ka go wona.

⁷⁹ Monna ga se a dirwa go swana le ka fao ba bego ba le. Lebelelang monna lehono. Gobaneng, bona, ba be ba fela ba le, dipapadi tša kgwele di be di le makgwakgwa. Bjale ba swanetše go apara dikefaphemo; ba bolaya tasene ngwaga wo mongwe le wo mongwe, ba itia godimo ga dihlogo tša bona bjalo ka legotlo,

o a hwa gonabjale; dintwa le se sengwe le se sengwe. Motho o dirilwe go tšwa go mokgobo wa leraga. Ke, gomme ke ka baka la dilo tša motswako, gomme di tšhilafaditše tshepedišo ka moka ya—ya go phela ga rena, ekonomi ka moka ya rena.

⁸⁰ Gomme—gomme—gomme go tswaka fao go tlie ka kerekeng, le gona. Go na le gore ba be le sehlopha sa badumedi ba nneta ba makgwakgwa ba Beibele, ba e tswakile ka dikerekemaina. Gomme ba swanetše go, “Ke na le *se*, ke na le *selā*; gomme ke nna wa *se*, gomme ke nna wa *selā*.” Ke motswako, gomme selo se ka se kgone go itšweletša sonamong gape.

⁸¹ Re hloka Puku ya Ditiro gape. Eupša tsela e nnoši o tla dirago ke go boela morago go Beibele, le kgole go tloga go bjo bongwe bja bodumedi bjo bja motswako.

⁸² Go tswaka, go swanetše go pepetletšwa! Ga go tumelo! Ke feela sehlopha sa pudula tša—tša lerolo, feela nkatshadi, go pepetleletšwa ka go yona. “Ke nna . . .” Ke re, a o Mokriste? “Ke nna Momethodist.” A o Mokriste? “Ke nna Mopresbyterian. Ke nna Mopentecostal.” Seo ga se re *seo*, go Modimo. [Ngwanešu Branham o thwantšha menwana ya gagwe—Mor.]

⁸³ O Mokriste ka gore o tswetšwe ka Moya wa Kriste, gomme Lentšu la Modimo le phela ka go wena.

⁸⁴ Le a tseba, ka mehla ke ipshina ka pere ya go tswalo ya godimo. Le a tseba, o na le tlhaologanyo. O ka kgona—o ka kgona go mo ruta dilo, wa mo direla dilo, gomme o tla ithuta. Eupša o tsea mmoula wa kgale, o ka se dire selo go yena. O no ba tonki ye kgolo ya kgale ya ditsebe tše telele. O dula fale, gomme, o ka bolela le yena, o tla ntšhetša ditsebe tša gagwe ntle, gomme, “Huh? Huh? Huh?” Le a bona, yeo, o no ba motswako.

⁸⁵ Go bea ka monaganong, bontši bja ba ba bitšwago Bakriste, motswako, bodumedi bja tonki. O ba botša Jesu Kriste wa go swana maabane, lehono, le go ya go ile; o re, “Ga ke E dumele.” Le a bona? Gomme kafao o ka se tsoge wa mo ruta selo. O ka kgona bjang go mo ruta; o ile, golebjalo. “Kereke ya ka e O dumela ka tsela *ye*. Ya ka e O dumela ka tsela *yela*.” Eupša Lentšu la Modimo le re O a swana maabane, lehono, le go ya go ile! Ga ke rate Mokriste wa motswako.

⁸⁶ Ke rata—boka pere ya tswalotlhwatlhwa. O tseba papagwe e be e le mang, mmagwe e be e le mang, tatagwemogolo le koko wa gagwe e be e le mang. O tseba meloko yohle tsela yohle morago.

⁸⁷ Go bjalo ka Mokriste wa tswalotlhwatlhwa, o a tseba Tate wa gagwe ke Mang. O tšwa go Modimo; Yena ke Lentšu la Modimo, O a swana le ge A kile a ba. Ke setšweletšwa sa tswalotlhwatlhwa sa kgonthe sa Modimo, Lentšu la Modimo le ka go yena, Jesu Kriste a iponagatša Yenamong.

⁸⁸ Sehlopha sa basedumele! Jesu o be a nyaka go hlohlora sehlopha sa dinwamadi letšatši le lengwe, O bile le ba bantši

kudu ba Mo latela. O bile le barutiwa ba Gagwe. Gona, O bile le ba masomešupa, mokgobokano wa badiredi. Ka gona, O bile le phuthego, ka dikete. Gomme ka gona O dirile setatamente se, O rile, “Ntle le ge le ka ja Madi . . . la ja nama ya Morwa wa motho, gomme la nwa Madi a Gagwe, ga le na le Bophelo ka go lena.”

⁸⁹ Bjale o nagana ngaka ya tša kalafo e tla reng, a dutše ntle ka phuthegong? Le nagana monna wa go nagana ka kgopolo o tla dira eng, se re se bitšago go nagana ga tlhaologanyo? Yena ga se a ke a e hlatholla. O be a se a swanela go e hlatholla. Gobaneng, ngaka o tla re, “Tlogang kgole le Moisa yola. O a gafa. O . . . Re tla ba dinwamadi tša batho. Go nwa Madi a Monna, go ja nama ya Gagwe?”

⁹⁰ Gomme phuthego, ke a eleletša moprista o rile, “Ye ke nako. Fa ke moo re tsenago. Re ya ntle! Re ka se tsoge ra tsenela ye nngwe e tee ya dikopano.” Ba ile kgole. Morago, O dirile bohle ba bona go tloga go Ÿena.

⁹¹ Morago O retologile go dikologa gomme O rile go ba masomešupa, O rile “Le tla reng ge le bona Morwa wa motho a rotogela godimo ka Legodimong moo A tšwago gona?”

⁹² Bjale, bona ba masomešupa ba rile, “Morwa wa motho a rotogela godimo moo A tšwago? Gobaneng, O bile le rena go lona legopo moo A tswaletšwego. Re tseba mme wa Gagwe. Re bone diaparo, lešela la joko le A bego a phuthetšwe ka go lona. O tswaletšwe tlase kua ka Bethlehem ya Judea. O tlišitšwe godimo mo ka Natsaretha. Bana Babo šebale, dikgaetšedi tša Gagwe, le bohle ba bona le rena. Gomme morago O rile, ‘Morwa yo wa motho o rotogetše godimo?’” Bjale, ga se A e hlaloša, O nno e bolela. Bjale, ga se ba kgone go e hlalosa, ga se ba kgona go e beakanya ka monaganong wa bona. “Gabotse,” ba rile, “mo ke moo re tsenago ka gare,” kafao ba ile ntle. Seo ke bontši ka mo ba kgonnego go ema.

⁹³ Ba sa na le dihlopha tša go swana. Yeo ke nnete. Re sa ne tšona. Re a lemoga.

⁹⁴ Morago O retologile. Elelwang, barutiwa bale ga se ba kgone go hlaloša seo, išita, eupša ba bile le tumelo. Ka gona Jesu a retologa gomme a lebelela go ba lesomepedi, gomme a re, “A le tla tloga le lena?”

⁹⁵ Ka gona Petro o dirile mantšu ao a hlokomelegago, “Morena, re tla ya kae? Ka gore re kgodišegile ka botlalo, re a tseba gore O na le Lentšu la Bophelo, gomme Wena o nnoši.” Le a bona? Ba be ba sa kgone go hlatholla mokgwa wo ba bego ba eya go ja nama ya Gagwe le go nwa Madi a Gagwe. Ga se ba kgone go kwešiša ka fao A bego a eya go rotogela godimo moo A tšwago gona, mola A be a tswetšwe ka Bethlehem. Ga se ba ke. Eupša, le a bona, tumelo ga e tsebe go šitwa. E kgwapareditše. E dula fale, ga go kgathale se e ka ba eng e se boletšego. E dutše fale. Ba be ba beetšwe go Bophelo bjo. Gomme O . . . Ba dutše fale.

⁹⁶ Bjale mehuta yela ya go fapanā. Ba bangwe ba dumetše. Ba bangwe ba rile, "Motho ga se nke a bolela ka mokgwa wo." Ba bangwe ga se ba dumele, gomme ba rile, "Oo, yeo, re ka be re ahlaahlile yeo."

⁹⁷ Ba bangwe ba rile, "Motho ga se a ke a bolela bjalo ka Monna yo. Go na le selo se sengwe sa go makatša ka Yena. Se A se bolelago, O kgona go se thekga." Gabotse, ba boletše seo, le a tseba, ba rile, "Ga A bolele boka moprista. Ga A bolele boka rabi. Gobane se A se bolelago, Modimo o a se thekga, O hlatsela se A se boletšego." Oo, nna!

⁹⁸ E swanetše go ba e bile Johane yo moswa, nako yeo, o rile, "Naganang ka yona! Re na le Yena le rena gonabjale. A khomotšo ye e swanetšego go ba! A tshireletšo!" A tshireletšo e swanetšego go ba go rena!

⁹⁹ Ke nna moromiwa, go dikologa le go dikologa lefase. Gomme ke bone mehuta yohle ya mabodumedi le mehuta yohle ya badimo bao ba nago le bona, badimo ba bahetene; Mohammedan, Buddha, le Sikh, Jain, oo, e ka ba eng gape, le badimo ba bahetene ba meloko. Eupša, bjo bongwe le bjo bongwe bja wona, ga go le bo tee bja wona bo rerešago eupša Bokriste. Bjo bongwe le bjo bongwe bja wona, bathomi ba wona ba hwile, gomme ba na le lebitla moo ba boloketšwego. Eupša Bokriste ke bjona bo nnoši bo rerešago, gobane Mothomi wa rena o hwile, o bolokilwe, eupša o tsogile gape, gomme re ka netefatša gore O a phela.

¹⁰⁰ Mo lebitleng la Mohammed, lebaka la mengwaga ye dikete tše pedi tša go feta, e nyakile, go bile le pere ye tšhweu, go fetolwa bahlapetši diiri tše dingwe le tše dingwe bontši gakaalo, ba letile Mohammed go tsoga go tšwa bahung le go katiša go theoga lefase le go le fenyen.

¹⁰¹ Eupša Jesu o šetše a tsogile go tšwa bahung, o bile godimo lebaka la mengwaga ye dikete tše pedi, gomme o ne rena bošegong bjo. Gomme ka gona ge re bona leswiswi, le go bona bofelo bja nako, ka tsela ye go lego bjale, go tleng godimo go diiri tše re phelago, ge re sa sesa tseleng ya bophelo, moo mawatle a ledimo, gomme—gomme sekepe se ka šogagana nako efe kapa efe. Dietša tše dinnyane tše di ka tima ka mokgwa woo. [Ngwanešu Branham o thwantšha menwana ya gagwe—Mor.] Goba, re ka no se tsoge ra tlogela moago wo bošegong bjo, ga go le o tee wa rena. Ga re tsebe ke nako efe lehu le tlago.

¹⁰² Gomme a maikutlo a go lotega e swanetšego go ba e bile, go barutiwa bale, go tseba gore yena Mohlodi, yo a itsebišitšego ka go tsenelela Yenamong go ba Motho yola, o be a sesa le bona.

¹⁰³ Gomme a mogopolo wa go šegofala o lego, a kholofelo ya go šegofala e lego yona, a netefatšo ye e lego yona, ka go iri ye ya leswiswi mafelelong a histori ya lefase, go tseba Mohlodi o sesa tsela ya bophelo le rena, re swameditšwe ka go bolokega!

Dipomo, e ka ba eng e ka no tla, a nke di ottele, di phatloge, di thunye, e ka ba eng di nyakago go dira, ga go dire phapano go nna, ke sesa le Mohlodi. A polokego, ge ke sesa meetse a!

¹⁰⁴ Bjale ge ke sa bolela, ke bolela ka Yena, mabapi le dilo tše kgolo tše A di dirilego. Ka morago ga keteko ya tsošeletšo, Jesu go molaleng o be a khutšitše boka A le, ke rile, gare ga ditsošeletšo. Gomme re...ba be ba tsebagaditšwe ka go hlaka kudu go Yo A bego a le. Batho ba tsebile O be a le Mang, go bale ba A bego a ba foufatša. Eupša bao ba bego ba swere Lengwalo, ka gore ba be ba tseba gore Lengwalo...Lentšu la Modimo le filwe, bontši, go moloko wo mongwe le wo mongwe, gomme tshepišo yela ya lebaka leo e swanetše go phethagatšwa. Gomme O phethagaditše tlwa se se bego se swanetše go dirwa ka nako ya Mesia. O kgotsofadirše maswanedi a mangwe le a mangwe. Gona re...o be a netefaleditšwe gore O be a le Motho.

¹⁰⁵ Eupša, le a bona, O be a tlwaelegile kudu. O be a sa apare boka moprista. O bile le, aowa, e sego thuto bjalo ka—bjalo ka se re ka se bitšago thuto. Ga re na rekoto ya Gagwe ebile go ya sekolong. Eupša go be go le se sengwe ka ga Yena seo se bego se fapanā.

¹⁰⁶ Gomme ka gona O ba laleditše, ge ba se ba kgona go kwešiša, o rile, “Phetlang Mangwalo, ka gore ka go Wona le nagana gore le na le Bophelo bjo Bosafelego, gomme seo ke selo se se pakago ka Nna. A le botša Yo Ke lego yena.”

¹⁰⁷ Gomme bjale, elelwang, bohole ba bile le se ka pelong ya bona gomme ba be ba nagana ka dilo tše. Gomme ge ba sesa go dikologa godimo ga lewatle, ka fao ba bego ba kgona go ba boka bana, ge feela A be a le sekepeng le bona.

¹⁰⁸ Bjale, mogwera, ke eng seo se swanetšeego go re dira! Jesu Kriste wa go swana a tsebagaditšwego, Mohlodi wa go swana, Modimo wa go swana, o na le rena bošegong bjo. A go bolokega go—go lego, a maikutlo, go tseba gore Bogona bja Gagwe bo fa.

¹⁰⁹ Bjale re a hwetša, thwi ge ba be ba na le nako ye kgolo ye, ka bjakobjako, bothata bo ile bja tsoga. Sekepe se šišinyegile, diseila di tšerwe, meetse a tletše sekepe. Dikhholofelo tšohle tša go phonyokga di be di ile.

¹¹⁰ Bjale, a ga go makatše, feela boka go le bjale, ge re etla tlase bofelong bjale, a ga go makatše? Re ka bolela ka fao A lego yo mogolo; re ka kgona go bolela ka fao A lego yo mogolo, ka kerekeng ya rena ge re paka; re botša bašomedi ba rena—ba rena, bengmošomo, ka fao A lego yo mogolo; re botša batho mo mokgotheng ka fao A lego yo mogolo; gomme, ge bothata bo ratha, re gakanegile. Le a bona? Re no...Le a bona? Dilo tše re Mmonego a di dira, dilo tše re tsebago gore O a di dira; gomme a nke bolwetši bjo bonnyane, goba bothata bjo bonnyane go rathe legae, šetšang se se diregago; tšohle di ile diripana, dikhholofelo tšohle—tšohle di ile.

¹¹¹ Le ge ba Mmone a dira dilo tše dintši kudu; tšohle di lebetšwe ge bothata bo ratha.

¹¹² Go swana le bjale, re bone tsōšeletšo ye kgolo ye, re na le histori ya ditsošeletšo tše dingwe tše kgolo, re na le Bogona bja Gagwe, re tseba dilo tše, gomme dinako tše dingwe bothata bo dula ka gare gore ga re kgone go alafa. Ba . . .

¹¹³ Mohlala go swana le bjale, re na le bothata ka dikerekeng tša rena bjale. Re na le mathata a kerekeleina, dingangišano ka dikerekeng tša rena. Ga re tsebe se se yago go direga. Re bona selo se segolo se bopega godimo kua. Rena bohole badumedi ka Beibeleng re bona se sengwe se lokela go direga. Ga go motho eupša yo a tsebago seo.

¹¹⁴ Gomme dikereke tšohle di ya go tlišwa ka go Khansele yela ya mohlakanelwa ya Dikereke. Ka gona, ge o dira seo, o ya go lahlegelwa ke thuto ye kgolo ya boebangedi ya gago ya Beibele. Gomme Mapentecostal ba e kwela bohloko, ba ya thwi ka go yona, boka kolobe e eya tlhabong ya yona, yeo ke nnete, khansele ya mohlakanelwa. Baetapele ba bantsi ba bagolo ba Pentecostal ba dumelelana le bona. Ke a le botša, o se tsoge wa hloma molala wa gago ka go selo boka seo. Seo ke tlwa se Beibele e rilego se tla direga. Sebata seseso le leswao, gomme, ka phethagalo, se sengwe le se sengwe se beilwe thwi lenaneong, gomme re bona se gomme re makala dipuelo tša sona e ya go ba eng.

¹¹⁵ Bothata bo tsene. Gomme ba lebetše gore yena yo Motee yoo ba bego ba bolela ka yena, yena Mohlodi, o be a le ka sekepeng le bona.

Bjale o re, “Ge nka kgona go nagana seo!”

¹¹⁶ Gabotse, elelwang, re sa na le Yena, gobane Yena ke Lentšu, ka mehla. Ka go Johane 1:1, bjalo ka ge re boletše bosegong bja go feta, “O be a le Lentšu; gomme Lentšu la dirwa nama le go dula magareng ga rena.” Gomme re sa na le Lentšu la Gagwe leo le re šupetšago dikgopolo tša Gagwe le ditiro tša Gagwe bakeng sa letšatši le. Le a bona? E . . . E sego megopoloye Moshe a bilego nayo ka letšatšing la gagwe, e sego dikgopolo tša barutiwa, e sego megopoloye Luther, goba Wesley, goba lebaka la Pentecostal, goba e ka ba mang wa bao. Re na le Beibele mo ye e re botšago ka se se yago go direga bjale. Le a bona? Re bona tsōšeletšo ya Pentecostal ka Beibeleng, Lutheran, le mabaka ohle ao a kereke. Re a bone. Eupša gape re na le Lengwalo mo le re botša se e yago go ba sona bjale. Gomme yoo ke Modimo, Modimo a hlatholla Lentšu la Gagwe Mong go lebaka le leo re phelago ka go lona. Yena ke mohlatholli wa Gagwe Mong. Gomme, go le bjalo, re hwetsa dikgakanegokgolo. O se ke wa gakanega kudu.

¹¹⁷ Barutiwa ba gagwe dinako tše dingwe ba tsena ka go mathata a sebele ao ba sa kgonego go a fodiša, bjalo ka bolwetsi, kankere, le go ya pele, yeo dingaka di sa kgonego, ga ba tsebe se

ba ka se dirago ka yona. Rena, go swana le bona, re lebala gore ke Mang yo a lego ka sekepeng.

¹¹⁸ Ba be ba swanetše go tseba gore O tsebile dilo tše tšohle. O tsebile di be di eya go direga. O be a le... O tsebile dilo tšohle, kafao O tsebile se se ya go direga. Se ya go direga go bona. Gobaneng A ile a e dumelala go direga? Ge A tsena ka sekepeng sela, O tsebile seo se be se eya go direga.

¹¹⁹ O a tseba gore re swanetše go kopana le seemo se, gomme O re boditšepele mo ka Beibeleng go tla ba ka tsela yeo.

Bjale O be a dira eng? A leka tumelo ya bona.

¹²⁰ Gobaneng A ka dumelala yo—yo—yo mokaone, yo monnyane, mosadi wa go bogega bomme a dula ka setulong sa bagolofadi, ka mokgwa wola? Gobaneng A dumelala baisa ba baswa ba bakaone fa, lesogana le le dutšego fa ka go ditulo tše tša bagolofadi, bahumagadi, le go ya pele? Gobaneng A ka? Gomme, go le bjalo, ba ka no be ba golofetše, go no phela bophelo bja setlwaedi. Eupša go ka no ba ba bangwe ba dutšego fa ka bothata bja pelo, gomme, ge Modimo a sa go fodiše, o ka no be o hwile pele ga moso. Yeo ke nnete. O tsebile e be e eya go direga. Mohlomongwe e dirilwe go fa tumelo ya rena moleko. Ke ka lebaka leo e diretšwe bona. O boletše bjalo. Le a bona? Go a swana bjale.

¹²¹ O be a netefaditše gore O be a le Mang, ka Mantšu le maswao ao A a netefaditšego magareng ga bona, gore O be a le yo a hlatseditšwego, motlotšwa Mesia yo a bego a swanetše go tla.

¹²² Gomme O netefaditše magareng ga rena, ka Kolobetšo ya Moya wo Mokgethwa le go bowa ga dilo tše A di tshepišitšego mo letšatšing le, gore O tla di dira. O netefaditše gore O mo. O netefatša gore O a swana maabane, lehono, le go ya go ile. Gomme le bona ka fao re ka bago bonolo go hwetša go hlakahlakana go selo e ka ba sefe se sennyane? Ga ra swanela go tsoge ra e dumelala e direge. Aowa.

¹²³ O rile, “Ge Ke sa dire mediro yeo e ngwadilwego ka Nna, gona le se Ntumele.” Gomme ge Kereke, ge Moya wo Mokgethwa lehono, o sa dire dilo tše o bego o swanetše go di direla iri ye, gona le se dumele Molaetša; le na le tokelo ya go se O dumele.

¹²⁴ Eupša O tshepišitše gore dilo tše tše A di dirago gonabjale di tla be di direga thwi mo nakong ye. Kafao go swanetše go re dira re ikwele go šireletšega kudu, go re, “Ke ya godimo kopanong. Moya wo Mokgethwa wo mogolo, ke a kwešiša, o godimo kua go utolla diphiri tše dipelo tše batho.” Seo ke tlwa se A rilego O tla se dira ge A tla utollwa mo matšatšing a mafelelo. Jesu Kriste o boletše, ka Boyena, gore seo ke tlwa se A tlago go se dira.

¹²⁵ Gomme O rile, “Lefase le tla ba ka seemong boka go bile matšatšing a Sodoma.” Moo e no ba mo le lego bjale. O rile, “Dikereke di tla aroganywa, go no swana le ge di bile nako yela,” Loto, yo bolelo, tlase ka Babilonia, goba tlase ka Sodoma, le

Basodoma. O rile, "Abraham, mokgethiwa, sehlopha sebiletšwa ntle," gomme O rometše motseta go sehlopha se se kgethilwego. Gomme O rometše batseta ba babedi tlase go bona, ba emela yo mongwe le yo mongwe. Gomme seo e no ba se A se dirilego, ebile le go leina le lengwe le le lengwe, tiro ye nngwe le ye nngwe, mosepelo wo mongwe le wo mongwe, se sengwe le se sengwe feela ka phethagalo, leswao le lengwe le le lengwe, ponagalo ye nngwe le ye nngwe, feela go swana tlwa. O rile e tla direga.

¹²⁶ Bjale re tšhošwa ke eng? Dilo tše di go rena ke ka lebaka la eng? O a re leka, go bona se re tla se dirago ka yona. Hlokamelang.

¹²⁷ O ba boditše, a re, "Bjale, ge le sa kgone go Ntumela, dumelang mediro ye Ke e dirago; e paka gore Ke nna Mang." Ba ka be ba e tsebile, eupša ga se nke. Bona . . .

¹²⁸ O be a le Modimo, Yo a hlotšego, Mohlodi wa diphefo le lewatle. Ge A kgonne go hlola diphefo le lewatle, a O be a ka se kgone gape go di dira di obamele Lentšu la Gagwe? Ge A hlotše se sengwe le se sengwe, a A ka se dire se sengwe le se sengwe go obamela? A re elelweng, gape, O hlotše mebele ya rena, le yona e tla swanelo go obamela Lentšu la Gagwe. "Gabotse," o re, "ge nka no ba le kgonthe ka seo." Gabotse, re ne kgonthe ka yona. O mo go e netefatša bjalo. Ba swanetše go e obamela. Elelwang. O swanetše . . .

¹²⁹ Ge re robetše, e sego selo eupša mohlomongwe molora wa go tlala lehwana, O tshepišitše go tsoša melora yela. O tshepišitše go e tsoša. Mmele o swanetše go Mo obamela. Gomme ke ge re ehwa, re khutša netefalong gore re tla tsošwa, gobane O tshepišitše O tla e dira. Gomme tshepišo ya Gagwe ke Lentšu la Gagwe, gomme re a dumela. A le dumela ka go tsogo ya mmele? Nnete. Ge o sa dire, ga o Mokriste. Kafao re a dumela gore O tla re tsoša mo matšatšing a mafelelo. O tshepišitše go e dira. Gomme ke eng seo? Leo ke Lentšu la Gagwe. Fao ke mo re kokotetšego se sengwe le se sengwe re nago naso, thwi godimo ga Lentšu lela.

¹³⁰ Gomme ka gona ge go etla nako mo re bonago Lentšu le tsebagatšwa, go ba le rena; gona re boka barutiwa, ka go taba ye nngwe ge ba be ba le ntle lewatleng, gomme—gomme ba be ba le kgauswi le go nwelela gape, ka go tiragalo ye nngwe. Gomme ba bone Jesu a etla a sepela godimo ga meetse, gomme ba tšhoga. Ba rile, "Ke—ke sepoko. Se a tšhoša." Ba boifa e be e le moyo, gomme ba goeleditše ka poifo. Selo se nnoši seo se ka go ba thuša, ba be ba se tšhoga.

¹³¹ Gomme go bjalo le lehono, sona selo se nnoši seo se ka thušago batho, ba a se boifa. O rile, "Se boifeng. Ke Nna." O a bolela. O tla tseba bjang e be e le Yena? O tsebagatšwa ka Lentšu la Gagwe. Yeo ke tsela ye A tsebagaditšwego nakong ya pele. Yeo ke tsela ye A tsebagatšwago nako le nako, ka Lentšu la Gagwe. Hlokamelang.

¹³² Ka morago ga ba bar- . . . barutiwa ba ikhweditše bonabeng mo mafelelong, go swanetše go be go ile gwa tšwelela godimo ga ba bangwe ba bona gore Mohlodi o be a sa na le bona.

¹³³ Ke a holofela e dira seo go rena, bošegong bjo, ka gore Bahebere 13:8 e re O a swana.

¹³⁴ Gona ba dirile eng? Ba phafošitše Jesu. “Eyang le phafoše Jesu. Mo phafošeng, Mmiletšeng go lefelotiragalo!” O biletšwa ga bonolo. Ba bone, ba bone dilo tše ntši kudu tše Modimo a di dirilego, le—le—le Mantšu ao a Mo hlatsetšago. Re bile bjalo. Gomme O be a se bothata go biletšwa ka tiragalong.

¹³⁵ Ba Mo phafošitše, gomme ba rile, “A O . . . ga O tshwenyege gore re a senyega?”

Le re, “Re ka kgona bjang go ba le nnete ya se? A re ka kgona go e netefatša?”

¹³⁶ Johane 14:12, Jesu o rile, “Yo a dumelago go Nna, mediro ye Ke e dirago o tla e dira le yena.” Seo ke tlwa. Tumelo ya rena e tliša Kriste ka bogoneng bja rena.

¹³⁷ O boletše ka go—ka go Luka, tema ya 17, “Mo matšatšing a mafelelo ge Morwa wa motho a utollwa, e tla ba nako bjalo ka Sodoma le Gomora.” Re bona seo se direga.

¹³⁸ O rile, pele ga ge nako yeo e direga, ka go Maleaki 4, gore, “Fao go tla ba Molaetša wo o yago pele woo o tla bušetšago batho morago go Tumeleo ya setlogo yeo e kilego ya fiwa batho.” Ka mehla lenaneo la Modimo go dira seo. Gomme babe ba tla ba melora, gomme baloki ba tla sepela godimo ga maoto a bona.

¹³⁹ Re bona tšohle tše di tshepišitše. O letile thwi bjale bakeng sa wena, wena, wena, yo mongwe le yo mongwe wa lena, go Mmiletša lefelongtiragalo. Go Mmiletša lefelongtiragalo! Moo ke moo A nyakago go ba, go biletšwa lefelongtiragalo la tiragalo. Hlokamelang ge le Mmiletša lefelongtiragalo, ka fao gona re tla re, “A re Mo phafošeng.” Gona, go Mmitša go tiišetša Lentšu la Gagwe le se—se selo seo A tshepišitšego go se dira, ka tsela ye A tla dirago. Re tla tseba, ka go kutollo ya Jesu Kriste mo matšatšing a mafelelo, e tla ba boka go bile matšatšing a Sodoma. O tshepišitše kutollo yela go Kereke, ge A tla utollwa. Kafao le se belaele le go boifa, O a swana maabane, lehono, le go ya go ile.

¹⁴⁰ Ke kwele mosadi, nako ye nngwe, ge ke be ke bolela ka Yena a le yo mogolo kudu. O rile, “Go na le selo se tee ke nago naso kgahlanong le thuto ya gago, Mna. Branham.”

¹⁴¹ Ke rile, “Gabotse, ke a go leboga, ge feela o na le selo se tee.” Ke rile, “Ke—ke a holofela Modimo o e hwetša ka tsela yeo.” Gomme o rile, “Gabotse, o ikgantšha kudu ka Jesu.”

¹⁴² Ke rile, “Ke a holofela seo ke selo se nnoši se lego kgahlanong le nna.” Gomme—gomme ke rile, “Ga ke kgantšhe go lekanelka Yena.”

¹⁴³ O rile, “Oo, ee, o a dira.” O rile, “O Mo dira yo Bomodimo.” E be e le mosadi yo a bego a sa dumele gore Jesu o be a le Bomodimo. O be a le wa Saense ya Bokriste. Gomme o rile, “O Mo dira—o Mo dira yo Bomodimo, o Mo dira Modimo.”

¹⁴⁴ Ke rile, “E ba gore ke Yena Modimo, goba mofori yo mogologolo kudu lefase le kilego la mo tseba.” Ke rile, “O . . .”

¹⁴⁵ O rile, “Gabotse, nka go netefalęša, ka Beibele ya gago, gore O be a se. O be a no ba feela moprofeta.”

Ke rile, “O be a le moprofeta, ka therešo, eupša O be a le Modimo, gape.”

O rile, “O be a le motho gomme O be a le wa go hwa.”

Ke rile, “Yeo ke therešo, gape.”

¹⁴⁶ O rile, “Tseleng go theogela go tsoša Latsaro go tšwa lebitleng, Mokgethwa Johane tema ya 11, e rile, Beibele e rile, ‘Jesu o llile.’”

Ke rile, “Yeo ke therešo.”

¹⁴⁷ O rile, “Gabotse, seo se netefatša gore A ka se be yo Bomodimo, le go lla.”

¹⁴⁸ Ke rile, “Oo, nna, mohumagadi, a yeo ke kgang ya gago?” Ke rile, “Yeo ke ye e fokolago.” O rile . . . Ke rile, “Therešo, O be a le Motho ge A be a lla; eupša ge A beile mmele wa Gagwe wo monnyane go sepela, a gogela magetla a Gagwe a mannyane morago gomme o rile, ‘Latsaro, etla pele,’ gomme monna yo a bego a hwile matšatši a mane, gomme o be a bola ka lebitleng, a ema ka maoto a gagwe gomme a phela gape, yoo e be e le go feta motho. Yoo e be e le Modimo.”

¹⁴⁹ O be a le motho, ntle mo ka sekepeng se bošego bjola, ge A be a le ntle lewatleng, moo bodiabolo ba dikete tše lesome ba lewatle ba ennego ba tla Mo nweletša. Sekepe se sennyane sel a kgale se tšewatšewa go swana le setswalelo sa leptolelo ntle kua lewatleng la ledimo. O be a le motho, a lapile, a robetše. Eupša ge ba Mo phafositše le go Mmiletša lefelongtiragalo, O beile leoto le tee godimo ga morumo le go lebelela godimo, gomme o rile, “Khutšo, homola,” gomme diphefo le maphotho a Mo obametše. Yoo e be e le go feta motho. Yoo e be e le Modimo.

¹⁵⁰ O be a le motho ge A theoga go tšwa thabeng, a swerwe ke tlala, a lebeletše mohlare go hwetša se sengwe go ja. O be a le motho ge A be a swerwe ke tlala. Eupša ge A tšere dipsikiti tše tlhano le hlapi tše pedi, gomme a fepa dikete tše tlhano, yoo o be a le go feta motho. Yola e be e le Modimo ka go monna yola.

¹⁵¹ Motho yo mongwe le yo mongwe yoo a kilego a ba thabeng ya dinawa, e bile batho bao ba dumetšego seo. Nneta. Bareti le eng gape ba dumetšego seo, gore Modimo o be a le ka go Kriste, a boelanya lefase le Yenamong.

¹⁵² Gomme bjale Kriste o ka Kerekeng, a boelanya batho le Modimo. O tshepišitše go e dira. Go ngwadilwe, gore, “O a swana maabane, lehono, le go ya go ile.” A le dumela seo? Ke e dumela ka pelo ya ka yohle, gore O no be a letile bjale go bitšwa mo lefelongtiragalo. Bjale selo se nnoši se ka kgonago go Mmiletša lefelongtiragalo, ke gore rena re Mo tsošetše ka gare ga borena, re Mmiletše lefelongtiragalo.

¹⁵³ O be a le mpho ye kgolokgolo yeo Modimo a kilego a fa lefase. “Modimo o ratile lefase kudu gore A neele Morwa wa Gagwe motswalwanoši; mang le mang a dumelago go Yena a ka se senyege; o na le Bophelo bjo Bosafelego.” Šetšang Modimo le mpho ya Gagwe. Bjale, batho ba šomišitše mpho ya Modimo.

¹⁵⁴ Mosadi yo monnyane, nako ye nngwe, o dumetše seo, gore O be a le ponagalo ya Modimo ka nameng. Gomme o rile, “Ge nka kgwatha kobo ya Gagwe, ke—ke—ke tla thakgafatšwa.”

¹⁵⁵ Bjale, o kgwathile kobo ya Gagwe. Gomme A retologa go dikologa, gomme a re, “Ke mang yo a Nkgwathilego? Le a bona, bokwala, maatla, a tlogile go tšwa go Nna.” O kgwathile seaparo sa Gagwe. Yoo e be e le yena a šomiša mpho ya Modimo. Le a bona? O fokotše go tloga go seo.

Eupša ge A sepetše go tloga legaeng la Latsaro . . .

¹⁵⁶ Elelwang, Mokgethwa Johane 5:19, Jesu o rile, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira.” Elelwang, Jesu Kriste ga se nke a dira mohlolo o tee, ga sa nke a dire e ka ba eng ka tsela ya kagodimogatlhago, go fihla pele A bona pono ka se a swanetšego go se dira. Ke ba bakae ba dumelago seo go ba therešo? Mokgethwa Johane 5, “Ruri, e sego se Ke se kwago, e sego se yo mongwe a Mpotsago; se Ke bonago Tate a se dira, seo Morwa o se dira go swana.” Bjale ge seo se sa be bjalo, gona Lengwalo ka moka ga le bjalo. “Ruri, ruri, Ke re go lena, Morwa ga a kgone go dira selo ka Boyena; eupša se A bonago Tate a se dira, seo Morwa o a se dira. Tate o a šoma, gomme Ke a šoma go fihla nako yeo.” Ka mantšu a mangwe, O nno diragatša, go dira se Modimo a Mmoditšego go se dira.

¹⁵⁷ Bjale, elelwang, ge A sepetše go tloga legaeng la Latsaro, O be a ile matšatši a mmalwa. Latsaro o babjitše, gomme ba rometše go Yena. Ga se A ye. Matšatši a mabedi moragwana, Latsaro o babjitše. Kafao ba rometše go Yena gape, go le bjalo ga se A ye. Ka gona ge nako ya maleba, Tate o be a Mmontšhitše e tla direga, Latsaro o hwile. Gomme O retologile, ge Latsaro a hwile, o rile, “Latsaro o hwile, gomme Ke thabile bakeng sa lena Ke be ke se gona.” Ba ka be ba Mo nyakile go mo rapelela, le go ya pele. O nno dira se Modimo a Mmoditšego go se dira, se A se bonego, pono. Le a bona, O bone pono ka se a bego a tla se dira. “Eupša Ke ya go mo tsoša.” Hum! Ke lena bao.

¹⁵⁸ Šetšang Marea a etla go Mmona. O rile, “Morena, ge nkabe O be o le mo, ngwanešu wa ka a ka be a se a hwa. Eupša le bjale, eng kapa eng O e kgopelago Modimo, Modimo o tla Go fa yona.” Le a bona?

¹⁵⁹ O tsebile se A bego a eya go se dira. Šetšang Yena mo lebitleng la Latsaro. O rile, “Tate, Ke a Go leboga, O šetše o Nkwele, eupša Ke nno e bolela bakeng sa ba ba emego kgauswi.”

¹⁶⁰ “Latsaro, etla pele!” Gomme Latsaro o tsogile go tšwa bahung.

¹⁶¹ Bjale, ga se nke A bolela selo ka go beng go fokola fale. Yoo e be e le Modimo a šomiša mpho ya Gagwe. Gomme batho ba šomiša mpho ya Modimo go be go fapano.

¹⁶² Ka gore, O be a le Lentšu. “Gomme Lentšu le bogajana go feta tšoša ya magalemabedi,” go bolela Beibele, “gomme le hlatha dikgopolole maikaelelo a pelo.” Seo se netefatša gore Modimo o ka magareng ga batho. Ee. A re e dumeleng. O komana, go ya ka Lentšu la Gagwe, go bitšwa lefelongtiragalo, bosegong bjo.

¹⁶³ Ke ba bakae ba lego mo ba babjago le go hloka, emišetšang diatla tša lena godimo. A re boneng diatla tša lena, ke ba bakae ba babjago le go hloka, kae kapa kae. Gabotse, selo se nnoši A se letetšego ke go bitšwa mo lefelongtiragalo. Nno Mo kgopela.

¹⁶⁴ Bjale go ka reng ge eba O be a eme fa ka sutu ye yeo A mphilego, gomme wa tla godimo pele ga Gagwe le go re, “Morena Jesu, ke nyaka O mphodiše,” o tseba se A bego a tla se bolela? “Ke šetše ke e dirile.”

¹⁶⁵ “O gobaditšwe bakeng sa dikarogo tša ren; ka megogoma ya Gagwe re fodišitšwe.” A ka se kgone go e dira lekga la bobedi. Kafao, le a bona, O šetše a e dirile. O swanetše go e dumela. Ga se gona o ka go se dira, go boelwa kudu go e ka ba eng, go—go hwetša phološo goba phodišo ya gago. Ga se gona o ka go se dira mabapi le yona. Ke mpho ya mahala ya Modimo. Le a bona, ke mogau, mpho ya mahala. Ke go fa milione wa ditolara gomme o otlolla thai ya ka; ga se ke go fe yona; o dirile se sengwe bakeng sa yona. Le a bona? Mpho ya Modimo ke mahala. Selo se nnoši o swanetšego go se dira ke go e dumela, gore O rekile ye bakeng sa gago, wena. O... E šetše e rekilwe. O go diretše yona. Gomme ga go motho lefaseng... .

¹⁶⁶ Ga ke tsebe se o bilego le sona mo ka Baton Rouge. Se sengwe le se sengwe se gogolwa nageng, dikekišo le tseo. Re a tseba seo se swanetše go no ba ka tsela yeo. Eupša ge motho a etla ka gare le go go botša o na le maatla go go fodiša, o a aketša. Modimo a nnoši o kgona go fodiša. “Ke nna Morena Modimo wa lena yo a fodišago malwetši a lena ohle.” A ka se abelane letago la Gagwe le e ka ba mang. Ga go motho yo a nago maatla go fodiša.

¹⁶⁷ Eupša go ne monna yo a nago le dimpho, go bonagatša Modimo. Modiša wa gago...[Ngwanešu Branham o a kgohlola—Mor.] (Ntshwareleng.) A ka kgonà go tsea Modimo, ka mpho ya—ya... Morutiši, a ka kgonà go hhalosa Lentšu gore o tlemege go Le bona. Ge o na le mahlo a a itšego go bona ka wona, o tla le bona. Fao go ye nngwe ye tee, mohlomongwe mpho ye nngwe. Eupša ka mehla go na le mpho ye e bonagatšago Bogona bja Modimo, gomme, go kgabola fao, wena ka bowena o swanetše go e dumela.

¹⁶⁸ Modiradibe a ka no tla mo aletareng bjalo ka lesogana goba mosadi, ka mengwaga ye lesomenne bokgale, gomme ba tla le tlišetše dijo tša lena fa, gomme o tla llela go Morena, go fihla ge o be o le bogolo bja mengwaga ye masomesenyane, o ka se tsoge wa phološwa. Eupša o swanetše pele go amogela se A go diretšego. Le a bona? O swanetše go se amogela, wenamong. Gona ge o e amogela, gona ke Yena Moprista yo Mogolo, mmoelanyi, go dira dipoelano godimo ga boipolelo bja gago bja se o se dumelago.

¹⁶⁹ Bjale seo ke selo sa go swana ka mpho ka tsela ye. Ke go tloša monagano wa gago mong go tloga go wena, gomme ka gona o bone se A rego dira.

¹⁷⁰ Ke bona batho ba etla sefaleng, ba tabogela godimo le fase gomme ba goelela, le go re, “Oo, Ngwanešu Branham, ke ne tumelo yohle ka lefaseng.” Ke eng se o se dirago godimo mo, gona? Le a bona? Ao—ao ke maikutlo, gomme e sego tumelo.

¹⁷¹ Tumelo ya mmapale ga e tsebe go fenngwa. E šetše e dirilwe. E šetše e fedile. Modimo o boletše bjalo, gomme seo se a e fetša, le a bona. “Modimo o boletše bjalo!” Bjale ke selo sa go swana, nako efe kapa efe. Ge ka kgonthe o e dumela, seo se a Mo kgwatha.

¹⁷² Bjale mosadi yo monnyane yola a kgwathilego seaparo sa Gagwe, o rile, “Ge nna eupša ke no kgwatha kobo ya Gagwe feela, ke tla thakgafatšwa,” gomme o e dirile. Gomme ge a phethagaditše se tumelo ya gagwe e bego e mo nyaka go se dira, “go e kgwatha,” O ile a e kwa, le a bona, gomme O retologile go dikologa le go bolela le yena.

¹⁷³ Bjale, O a swana maabane, lehono, le go ya go ile. Ge feelsa le ka no dumela Kriste, dumelang! A nke tumelo ya gago e kgwathile kobo ya Gagwe. Gomme Yena, gonabjale, ke Moprista yo Mogolo yo a kgonago go kgwathwa ke dikwi tša mefokolo ya rena. Bohle re tseba seo. Gomme ge A swana maabane, lehono, le go ya go ile, O tla swanelo go dira lehono bjalo ka ge A dirile maabane ge eba A le Moprista yo Mogolo wa go swana. Bjale a le ka se e dumele? E nong go ba le tumelo ka go Modimo.

¹⁷⁴ Ge ke le boditše maaka, gona Modimo a ka se e thekge. Eupša ke le boditše Therešo, O tla—O tla E thekga. O tlamegile go thekga Therešo.

¹⁷⁵ Jesu o rile, "Ke na le hlatse." Gomme bohlatse ke Lentšu la Modimo, ka nnete. O rile, "Fao Mangwalo a paka ka Nna. Ge a sa pake ka Nna, gona le se ke la e dumela." Le a bona?

¹⁷⁶ Gomme ge Mangwalo a sa pake ka se ke le botšago bjale, gore, "O a swana maabane, lehono, le go ya go ile," gona se dumeleng Lengwalo. Ka gore, Lengwalo le rile O be a le gona, gomme O tshepišitše dilo tše go lebaka le la mafelelo. Elelwang, feela mo bofelong bja lebaka la Bajuda, ke ka fao A ikutolotšego Yenamong, Mesia. Bofelo bja le—le lebaka la Basamaria, O dirile sa go swana. Bjale ke bofelo bja lebaka la Bantle. O a swana maabane, lehono, le go ya go ile.

¹⁷⁷ Phafoša Yena ka letsvalong la gago, Mmiletše lefelongtiragalo, ge re sa obamiša dihlogo tša rena.

¹⁷⁸ Tate wa Legodimong, feela lentšu go tšwa go Wena bjale le tla lekanelia. E tla ba tšohle re di hlokago, feela lentšu go tšwa go Wena. A nke batho ka go hlaka ba kwešiše se phihlelelo, se re lekago go se dira, Morena, ke go—ke go ba dumelela go hwetša dikholego tša Morena Jesu yo ba mo ratago le go mo hlankela. A nke ba e dire bošegong bjo, Morena. Ka gobane, lehu la Gago le be le se ga lefeela. O "gobaditšwe ka baka la dikarogo tša rena, o tlapirošwe ka baka la bokgopo bja rena." "Kotlo ya khutšo ya rena e bile godimo ga Gagwe, gomme ka megogoma ya Gagwe re fodišitšwe." Ke a rapela, Modimo, gore yo mongwe le yo mongwe ka mo, ka Bogoneng bjo Bokgethwa, ba tla kwešiše se gomme ba tla hwetša pono, gomme ba tla fodišwa bakeng sa letago la Modimo. Ka la Jesu Kriste Leina, ke neela bona le phuthego ye, go thlompho ya Gagwe le letago. Amene.

¹⁷⁹ Bjale ebang tlhomphokgolo ka kgontha, feela lebaka la metsotsa e se mekae. Bjale feela lentšu go tšwa go Yena le tla ra bontši go feta tšohle nka kgonago go di bolela, goba tšohle e ka ba mang gape a ka di bolelago, gobane ke Yena a e dirago. Yena ke yena. Ke Yena modiri, gomme re a tshepa gore mo—mo Morena Jesu o tla fa dilo tše go lena bjale, yo mongwe le yo mongwe.

¹⁸⁰ Bjale a re boneng ka nako mang. Ke be ke sa tsebe gore e be e le yeo. Ke a le botša, go tšwela ntle mo ka nako, se re swanetšego go, ga re na le nako ya go tliša mothalo wo godimo. A re e bitsē thwi go tšwa batheeletšing.

¹⁸¹ Bjale a re nong go tšeia Lengwalo, motsotsa feela. Bjale Beibebe e a tshepiša, ka go letšatši le, gore poletšo ya Sodoma le Gomora e tla bušeletšwa. Ke ba bakae ba dumelago seo bjale, emišetša seatla sa gago godimo? Beibebe e tsebagatša seo bjale.

¹⁸² Gomme ka gona e be e le eng sela ka Sodoma le Gomora? E be e le Modimo ka sebopego sa motho. Gomme tsela ye Abraham a bego a e tseba, ke ge A rile, "Gobaneng Sarah a segile ka tenteng, ka morago? Goba, gobaneng a e belaetše, mantšu ao A a boletšego go ba bjalo?" O be a kgona go bona se Sarah a bego a se nagana, ka morago ga Gagwe. Bjale le no bona ge seo e be e se sona.

¹⁸³ Bjale, seo e be e se go kereke ya Babilonia, goba kereke ya Sodoma. Aowa, aowa. E be e se go bona batho tlase kua ka maemong a dikerekemaina. Aowa, mohlomphegi, ga e tsoge ya ya go bona. Ba ne motseta wa bona. Le a bona?

¹⁸⁴ Eupša go Kereke ye e hlaotšwego, Peu ya godimodimo ya Abraham yeo e swanetšego go dumela Lentšu go sa kgathale se maemo a lego, “Abraham o buditše dilo tšela tše di bego di se gona mo o ka rego di be di le gona.” Modimo o boletše bjalo, gomme A e dumela. Bjale, mogwera, ke—ke a tseba gore Modimo o ikarabela go Lentšu le, go Le boloka.

¹⁸⁵ Bjale ke nyaka lena, e ka ba kae le logo ka moagong, go dula tlhomphokgolo dinakwana di se kae, e ka ba kae le logo. Gomme dumela, e no dumela ka pelo ya gago yohle.

¹⁸⁶ Bjale ge nka kgona go go fodiša, ge nka kgona go fodiša mosetsana yo monnyane yo yoo pelo ya ka e mo elago ntle, ge nka kgona go fodiša selo se sennyane sela se robetšego kua, ke—ke—ke tla—ke tla abula go tloga mo go ya Phoulong ya Leboa, ge nka kgona, go e dira, goba mang kapa mang yo a nago le maikutlo a motho. Eupša nka se kgone go dira seo go feta lefeela. Mohlomongwe ba bangwe ba lena fao ba ka se phele eupša gannyane ga nthatana, ka kankere. Ge nka kgona go go fodiša, ke tla ba . . . Nka se swanele go ema ka sefalen se ge nka kgona go e dira gomme ka se e dire. Bjale, nka se kgone. Pelo ya ka e a go yela. Ke tla e dira ge nka kgona, eupša nka se kgone. Ga go ne monna yo mongwe a ka kgonago go e dira. Yeo ke nnete. Eupša, le a bona, Jesu o šetše a e dirile. Le a bona? Gomme O no leka go le dira go dumela seo. Eupša lena . . .

¹⁸⁷ Ke kwela batho bohloko. Go bile dilo tše dintši kudu tše di no go ba foufatša, ka tsela *ye* le ka tsela *yela*, go fihla, batho ba go šokiša, boka dinku di se na modiši, le gannyane. Ga ba tsebe ba dire eng. Yo motee o bolela *se* gomme yo mongwe o bolela *sela*. Le se ke la nagana se monna a se boletšego. “Matšatši a mehlolo a fetile. Ga go selo se sebjalo bjalo ka kolobetšo ya Moya wo Mokgethwa.”

¹⁸⁸ Gomme, elelwang, Petro o rile, ka Letšatši la Pentecost, “Tshepišo ke ya lena le go bana ba lena, le go bona bao ba lego kgole, ebile bontši ka fao Morena Modimo wa rena a tla go ba bitša.” Le a bona?

¹⁸⁹ Jesu o tshepišitše dilo tše di tla direga ka matšatšing a mafelelo, gore Modimo o tla bowa ka sebopego sa nama ya motho, go swana le wena le nna mo bošegong bjo, gomme o tla šoma selo selo sa go swana feela pele lefase le ka senywa. Gomme lefase le tla ba bjalo ka Sodoma. Le a bona? Bjale re na le seemo sa Sodoma se nepagetše; maemo a mangwe le a mangwe, motho yo mongwe le yo mongwe, se sengwe le se sengwe se dutše feela gabotse tlwa.

¹⁹⁰ Bjale a tumelo ya rena e ka se kgone go tla go seo? A re ka se Mmiletše lefelongtiragalo? Mmiletšeng go lefelotiragalo. Tumelo ya gago ke selo se nnoši se ka kgonago go e dira. Bjale o dumela ka pelo yohle ya gago, yo mongwe le yo mongwe wa lena bjale.

¹⁹¹ Gomme ke nyaka go le botšiša se sengwe. Ntle le dikarata tša thapelo tše itšego, . . . -ntle e ka ba mang godimo fa, ge Moya wo Mokgethwa wola wo mogolo o tla theogela fa, le ka tlotšo ya lena le tlotšo godimo ga ka, gomme o tla tsebagatša gore Jesu Kriste o šoma magareng ga rena ka mokgwa wo, ke eng bontši A ka go se dira? Ga go tshepišo ye nngwe ka Beibeleng, godimo ga yeo. Yeo ke tshepišo ya godimodimo. Ke ba bakae ba tsebago seo? Kgonthe, ke yona. Ke—ke selo sa mafelelo go lebaka la kereke.

¹⁹² Bajuda, mo nakong ya sekgao sa Tlaišego, le go . . . fao ba na le—le ketelo morago kua, eupša e sego go kereke ya Bantle.

¹⁹³ Se ke selo sa mafelelo se tshepišitšwego Bantle. Ke therešo. Le a bona, e be e le Bantle tlase kua ka Sodoma, ba be ba eya go tšhungwa. Gomme yola, mo—mo Monyalwa šo, e bego e le Peu ya Bogoši ya Abraham, go beng Monyalwa a bileditšwe ntle go tšwa magareng ga Bantle. Leo ke leswao la bona la bofelo, lohle la lona.

¹⁹⁴ E marakeng ka pukung ya lena. Ke nna mokgalabje. Eupša e no e maraka ka pukung ya gago gomme o bone ge eba e tla go phethega, goba aowa. Le a bona, le bofelong bjale. Neng? Ga ke tsebe. Ke lebeletše go Yena lehono. Ge A se mo lehono, ke tla be ke Mo lebeletše gosasa. Ge A se kua gosasa, ke tla be ke lebeletše letšatši le le latelago. Ge A se mo ngwaga wo, ke tla be ke lebeletše ngwaga wa go latela bakeng sa Gagwe. Ke a tseba O etla. Ga ke tsebe motsotso goba iri, eupša ke a tseba se sengwe le se sengwe se phethagaditšwe, go lokela Tlthatlogo. Kereke e bileditšwe ntle. E tla ba go sepela ga sephiri; go no timelela, gomme seo e tla ba sohle.

¹⁹⁵ Gomme lefase le ya thwi pele go no swana, batho ba rera, gomme batho ba nagana gore ba a phološwa, feela tlwa boka ba dirile matšatšing a Noage, go ya pele. Noage o tsene ka arekeng, gomme batho ba ile pele thwi, gomme lefase le fetoga feela go swana. Naganang ka yona! Gomme, ba lahlegile ka Gosafelego, ba nagana gore ba pholositšwe.

¹⁹⁶ A mangwe a matšatši a ke ya go tliša tente ye kgolo ka nageng ye, le go e hloma godimo mo, gore re kgone go ba le ditirelo tša morago ga sekgalela, le ditaelo, gore le kgone go kwešiša dilo tše bokaone. Tlišang baena bohle ba rena mmogo gore re kgone go ba le ditirelo.

¹⁹⁷ Bjale ge Jesu Kriste a phethagatša tshepišo ya Gagwe, gona re tlamegile go Mo dumela. Ke nyaka lena bohle, yo mongwe le yo mongwe wa lena, go no ba le tumelo ye bonolo ya go swana le ya ngwana, go Mo dumela.

¹⁹⁸ Bjale ge le no ba mohuta wa go thoma ka dihlogo tša lena di inamišitšwe, gomme la thoma go rapela, la re, "Morena Jesu, bjale ke a tseba gore monna yo ga a ntsebe. Gomme ke a hloka. Gomme re a botšwa gore O Moprista yo Mogolo yo a kgonago go kgwathwa ke dikwi tša mefokolo ya ren. Ge O ka no mo dumelela... Ge nka kgonago Go kgwatha, e no bolela ka yena, Morena, gore ke tla, ke a tseba wa gagwe... tseba ke Wena. Ke a tseba ga a ntsebe."

¹⁹⁹ Gomme seo se ntle kua ka batheeletšing, e no ba batheeletši ba go hlakahlakana; ba go dumela, gosedumele, tumelo ya maitirelo; badiradibe, mokgethwa, le bohle mmogo.

²⁰⁰ Bjale le swanetše go dumela. Bjale ge A ka dira se go tšwa batheeletšing ba mo, ke nyaka yo mongwe le yo mongwe wa lena ka mo, a re, "Ngwanešu Branham, ke—ke a tseba yoo—yoo e swanetše go ba Yena yoo a lebeletšego godimo ga phuthego bjalo ka ge A dirile nako yela." Ke nyaka wena, ge ka kgonthe o ka dumela, ke nyaka o phagamiše seatla sa gago, o re, "Morena, ke tla e amogela ka pelo ya ka yohle, gore ke a dumela ke Kriste Jesu, go ya ka tshepišo ya Gagwe." Gohle godimo ga moago. Modimo a le šegofatše. Seo se kaone. Oo, go no befa kudu ga re na le kgwedi go ba tikologong mo. Le a bona, e no re... Ke nna yo moswa go wena. O a bona, go bothata. O no tšwelapele o dumela.

²⁰¹ Bjale, ke Seetša. Modimo ke Seetša, re tseba seo, Pilara ya Mollo. Gomme bjale le no rapela le go E kgwatha, gomme a nke Morena Jesu a arabe.

²⁰² Bjale ke tseela moyo wo mongwe le wo mongwe ka fa ka tlase ga taolo ya ka, Leineng la Jesu Kriste, bakeng sa letago la Gagwe. Bjale ebang tlhomphokgolo ka kgonthe. Rapelang. Ebang tlhomphokgolo ka kgonthe.

²⁰³ Bjale, še E fa. Go na le mohumagadi thwi fa ka pele ga ka. O na le hlogo ya gagwe e inametše fase, gomme o rapelela tlaišego ya gagwe mong. Ge o nyaka go phagamiša hlogo ya gago bjale, o thwi fa mo pele ga ka. A o dumela ka pelo ya gago yohle? A o a dumela gore Modimo a ka kgonago fodiša swikiri yeo le go go dira o fole? Bjale, seo ke se o nago le sona, bolwetši bja swikiri. Ga ke go tsebe. O mosetsebje wa go felela go nna. Eupša a o ntumela go ba mohlanka wa Gagwe? Ge—ge re le basetsebane seng sa rena, phagamiša seatla sa gago, ka mokgwa *woo*, gore batho ba bone. Le a bona? Go lokile. Le a bona, šo mohumagadi. Gomme bjale o tlaišega ka seemo sa swikiri. Gomme o a dumela gore Modimo a ka mpotša ke wena mang? A e tla go dira o dumele? Ke wena Mdi. Martin. Ge seo e le nnete, phagamiša seatla sa gago. O a bona? O no ba le tumelo. O se belaele. Eba le tumelo.

²⁰⁴ Bjale o kgwathile eng? Ke nyaka go botšiša batheeletši. O kgwathile eng? Go na le mosadi ka letsogo la gagwe le letona godimo, le la ka, gape, pele ga Modimo. Le a bona? O kgwathile

Sengwe. Feela mosadi yo monnyane yo bonolo, gabotse, go le botša therešo, bjale le a bona ge eba ye ke therešo, e mo makaditše. O be a sa tsebe gore o bile le tumelo ye ntši yela. Tumelo ga se selo se sengwe o se tšweletšago; ke selo se sengwe o nago naso. Le a bona? O be a maketše. Ebile gonabjale mosadi o ikwela go fapana go feta se a se dirilego metsotsa e se mekae ya go feta. O a tseba gore se sengwe se diregile go yena.

²⁰⁵ Fa, a ga le bone Seetša sela? Nnete. Le Se bona thwi fa godimo ga mosadi yo thwi fa, thwi morago fa? O tlaišega ka... O na le hlogo ya gagwe e inametše fase. O a rapela. Eupša o tlaišega ke bothata ka mokokotlo wa gagwe. Ge a ka dumela ka pelo ya gagwe yohle, a ka fodišwa bothata bjoo bja mokokotlo. Kgonthe.

²⁰⁶ O ya go e foša, ka kgonthe bjalo ka e ka ba eng. Le a bona, thapelo ya gagwe e sa sepelela pele. Morena, nthuše. Mdi. DeVille, ke wena. Woo ke mogau. Mosadi o be a rapela, ebile o be a sa nagane, ebile ga a nkwe ke bolela selo. Bjale mmotšišeng ge a ntseba. Ke yo a lego, gomme seo ke se bothata bja gagwe.

²⁰⁷ Kafao o kgwathile eng? Bjoo ke bohlatse bja Jesu Kriste, Lentšu, le hlatha dikgopololo tše di lego ka pelong.

²⁰⁸ A le a dumela? Nno bang le tumelo. Rapelang, e ka ba kae. Nno dumelang. Seo ke sohle o swanetšego go se dira. E no dumela, e no dumela ke le boditše Therešo. Bjale, ga se nna Yena. Ke no ba mohlanka wa Gagwe, feela mohlanka wa Gagwe.

²⁰⁹ Ge le ka no ba le tumelo go lekanel! Nka se kgone go mmitša. Ke tseba se bothata bja gagwe, eupša, le a bona, e no letang lebakana gomme mohlomongwe bo tla fetoga. Ka kgonthe ga go kgonege, eupša o swanetše go tšwela ka ntle ga lešakana leo. A ka se kgone go dumela bakeng sa gagwemong. O swanetše go dumela legatong la gagwe.

²¹⁰ Mohumagadi a sotlega ka bothata bja pshio. Ga a tšwe fa. O tšwa Mississippi. O tla dumela ka pelo ya gagwe yohle, Modimo o tla fodišwa bothata bja pshio. Mdi. Palmer, ge o ka dumela ka pelo ya gago yohle, o ka kgona go fodišwa go yona. E go tlogetše. E thumašitše Seetša godimo ga gagwe. E tlogile go yena. Eba le tumelo ka go Modimo. Se belaele.

²¹¹ Go na le mohumagadi o dutše thwi kgauswi le yena. O tlaišega ka atheraithisi. A o ntumela go ba moprofeta wa Modimo, mohumagadi? O a dira? A o a dumela ge Modimo a ka mpotša gore o mang, a seo se tla go thuša go dumela? Leina la gago ke Mdi. Meadow. O dumela ka pelo ya gago yohle bjale, o ka kgona go fodišwa, le wena.

²¹² Seo se swere mollo go mohumagadi kgauswi le yena. O dutše fale, gape. Šele E a ya, thwi tlase mothalong. Mohumagadi yo a dutšego fao, o tlaišega ka... Kgauswi le yena, o bolawa ke bolwetši bja swikiri, bolwetši bja swikiri. Ba mo nyaka a ye bookelong, eupša o gana go e dira. O na le morwa yo a mo rapedišago, gape. Morwa yola ga a mo, eupša o a dumela Modimo

a ka mpotša se e lego phošo ka morwa yola? O na le bothata bja pelo. O a dumela, gomme O tla go fodiša. A o a dumela gore Modimo a ka kgona go mpotša gore o mang? Mdi. Dufflee, D-u, f ba babedi, e tše pedi. Mohuta . . . Yeo ke nnete. A yeo ke nnete, phagamiša seatla sa gago, ka diatla tša gago godimo. Go lokile. Bjale o a dumela, gomme o ka dirwa o fole, le wena.

²¹³ A o dumela gore seo ke selo sa go swana seo . . . A le dumela gore Bogona bja Jesu Kriste bo fa bjale? Ke ba bakae ba amogelago yeo? Oo, a tshireletšo! A tshireletšo!

²¹⁴ Le a bona, o dirile eng? O Mo tsošitše. O Mo tlišitše lefelongtiragalo. Yena šo mo lefelongtiragalo. Seo ga se dire phapano ye e itšego se dikepe di se bolelago. Elelwang, A ka kgona gore, “Khutšo, homola.”

²¹⁵ A o e dumela ka pelo ya gago yohle? Ge o dira, emeleta ka maoto a gago gomme o e amogelete. Emeleta gomme o re, “Ke e dumela ka pelo ya ka yohle.” Phagamela godimo go maoto a gago. “Bjale ke a dumela.” Yeo ke nnete, ga go kgathale se bothata bja gago bo lego, emeleta, Mo fe Tumišo.

²¹⁶ Tate wa Legodimong, re tliša go Wena batheeletši ba. Ba a lemoga gore O fa, Morena.

A nke diabolo yo mongwe le yo mongwe, gosedumele, a nke go tlogele go swara ga gona, gomme a nke Jesu Kriste a fodiše lena bohole.

²¹⁷ Sathané, tšwela ka ntłe ga batheeletši ba! Leineng la Jesu Kriste, o a ganetšwa.



Go BILETŠA JESU LEFELONGTIRAGALO NST64-0319
(Calling Jesus On The Scene)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Matšhe 19, 1964, ka Denham Springs High School ka Denham Springs, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org